

《中國地方藝文薈萃》編委會 編

中國地方藝文薈萃

學苑出版社

華東卷·第八輯 叁

華東卷·第八輯

叁

中國地方藝文薈萃

《中國地方藝文薈萃》編委會 編

德州师范学院内部使用

金陵詩徵四十四卷（二）

貴州师范学院内部使用

金陵詩徵四十四卷（二）

（清）朱緒曾輯

據清光緒十八年（一八九二）刻本影印

金陵詩徵卷四

上元朱緒曾編

唐

張籍

籍字文昌烏江人明分置江浦貞元己卯進士累官國子

司業有集七卷舊唐書有傳宋張孝祥云讀書堂在烏江即唐文昌公讀書

處自五代迄今子孫世守之渡江後為史氏所有李

薦濟南集烏江百福寺即唐詩人張司業籍故居繪

像今存詩云文昌西郭居修竹閉環堵琴樽不復存

賈客樂

金陵向西賈客多船中生長樂風波欲發移船近江口船頭
祭神各澆酒停杯共說遠行期入蜀經蠻誰別離金多眾中

言卷四
爲上客夜夜算緡眠獨遲秋江初月猩猩語孤帆夜發瀟湘
渚水工持戢防暗灘直過山邊及前侶年年逐利西復東姓
名不在縣籍中農夫稅多長辛辛苦棄業甯爲販寶翁

江村行

南塘水深蘆筍齊下田種稻不作畦耕場磷磷在水底短衣
半染蘆中泥田頭刈莎結爲屋歸來繫牛還獨宿水淹手足
盡有一作瘡山童一作飛颺一作桑林一作樵黑蠶再眠
婦姑採桑不向田江南熱旱天氣毒雨中移秧顏色鮮一年
耕種長苦辛田熟家家將賽神

長塘湖

結按長塘湖建康志云卽洮湖在溧陽
自明分溧水二邑地置高消今屬高消

長塘湖一斛水中半斛魚大魚如柳葉小魚如針鋒水濁誰
能辨真龍

洛陽行

洛陽宮闕當中州城上
戢戢十二樓翠華西去幾時返
梟巢乳鳥藏蟄燕御門空鎖五十年
稅彼農夫修玉殿六街朝暮鼓
鼕鼕禁兵持戟守空宮百官月月拜
章表驛使相續長安道上陽宮樹黃
復綠野豺入苑食麋鹿陌上老翁雙
淚垂共說武皇巡幸時

白頭吟

請君膝上琴彈我白頭
吟憶昔君前嬌笑語兩情宛轉如縈
素宮中爲我起高樓更開花池種芳
樹春天百草秋始衰棄我不待白頭
時羅襦玉珥色未暗今朝已道不相
宜揚州青銅作明鏡暗中持照不見
影人心回互自無窮眼前好惡那
能定君恩已去若再返菖蒲花開
月長滿

江南行

江南人家多橋樹吳姬舟上織白苧土地卑溼饒蠱蛇連木
爲牌入江住江村亥日長爲市落帆度橋來浦裏清莎覆城
竹爲屋無井家家飲潮水長干午日沽春酒高高酒旗懸江
口倡樓兩岸臨水柵夜唱竹枝留北客江南風土歡樂多悠
悠處處盡經過

送遠曲

戲馬臺南山簇簇山邊飲酒歌別曲行人醉後起登車席上
回尊勸僮僕青天漫漫覆長路遠遊無家安得住願君到處
自題名他日知君從此去

築城詞

築城處千人萬人齊抱杵重重土堅試行錐軍吏執鞭催作

遲來時一年深積裏盡著短衣渴無水力盡不得拋杵聲杵
聲未盡人皆死家家養勇當門戶今日作君城下土

征婦怨

九月匈奴殺邊將漢軍全沒遼水上萬里無人收白骨家家
城下招魂葬婦人依倚子與夫同居貧賤心亦舒夫死戰場
子在腹妾身雖存如晝燭

野老歌

老農家貧在山住耕種山田三四畝苗疏稅多不得食輸入
官倉化爲土歲暮鋤犁傍空室呼兒登山收橡實西江賈客
珠百斛船中養犬長食肉

寄衣曲

織素縫衣獨苦辛遠因回使寄征人官家亦自寄衣去貴從

妾手著君身高堂姑老無侍子不得自到邊城裏殷勤爲看
初著時征夫身上宜不宜

別離曲

行人結束出門去幾時更踏門前路憶昔君初納采時不言
身屬遼陽戍早知今日當別離成君家計良爲誰男兒生身
自有役那得誤我少年時不如逐君征戰死誰能獨老空閨
裏

古釵歎

古釵墜井無顏色百尺泥中今復得鳳皇宛轉有古儀欲爲
首飾不稱時女伴傳看不知主羅袖拂拭生光輝蘭膏已盡
股半折雕文刻樣無年月雖離井底入匣中不用還與墜時
同

吳宮怨

吳宮四面秋江水江清露白芙蓉死吳王醉後欲更衣座上
美人嬌不起宮中千門復萬戶君恩反覆誰能數君心與妾
既不同徒向君前作歌舞茱萸滿宮紅實垂秋風嫋嫋生綠
枝姑蘇臺上夕燕罷佗人侍寢還獨歸白日在天光在地君
今那得長相棄

節婦吟寄東平李司空師道

君知妾有夫贈妾雙明珠感君纏綿意繫在紅羅襦妾家高
樓連苑起良人執戟明光裏知君用心如日月事夫誓擬同
生死還君明珠雙淚垂何不相逢未嫁時

烏夜啼引

秦烏啼啞啞夜啼長安吏人家吏人得罪囚在獄傾家賣產

將自贖少婦起聽夜啼烏知是官家有赦書下牀心喜不重
寐未明上堂賀舅姑少婦語啼烏汝啼慎勿虛借汝庭樹作
高巢年年不令傷爾雛

贈別孟郊

歷歷天上星沉沉水中萍幸當清秋夜流影及微形君生哀
俗閒立身如禮經淳意發高文獨有金石聲才名振京國歸
省東南行停車楚城下顧我不念程寶鏡曾墜水不磨豈自
明苦節居貧賤所知賴友生歡會方別離戚戚憂慮并安得
在一方終老無送迎

離婦

十載來夫家閨門無瑕疵薄命不生子古制有分離託身言
同穴今日事乖違念君終棄捐誰能強在茲堂上謝姑嫜長

跪請離辭姑嫜見我往將決復沈疑與我古時釧留我嫁時
衣高堂拊我身哭我於路陲昔日初爲婦當君貧賤時晝夜
常紡績不得事蛾眉辛勤積黃金濟君寒與飢洛陽買大宅
邯鄲買侍兒夫婿乘龍馬出入有光儀將爲富家婦永與子
孫資誰謂出君門一身上車歸有子未必榮無子坐生悲爲
人莫作女作女實難爲

春江曲

春江無雲潮水平蒲心出水鳧雛鳴長干夫婿愛遠行自染
春衣縫已成妾身生長金陵側去年隨夫住江北春來未到
父母家舟小風多渡不得欲辭舅姑先問人私向江頭祭水
神

思江南舊遊

江皋三月時花發石楠枝歸客應無數春山自不知獨行愁
道遠回信畏家移楊柳東西渡茫茫欲問誰

贈梅處士

早聞聲價滿京城頭白江湖放曠情講易自傳新注義題詩
不著舊官名近移馬跡山前住多在牛頭寺裏行天子如今
議封禪應將束帛請先生

寄李渤

五度溪頭躑躅紅嵩陽寺裏講時鐘春山處處行應好一月
看花到幾峰

剡谿逢茅山道士

茅山近別剡谿逢玉節青毛十二重自說年年上天去羅浮
最近海邊峰

張蕭遠

蕭遠籍之弟元和時登進士弟

籍有與弟蕭遠雪夜同宿詩數卷新遊蜀

客詩長安僻巷得相隨草堂雪夜攜琴宿說是青城館裏時又送蕭遠弟街北槐花傍馬垂病身相送出門遲與君別後秋風夜作得新詩說向誰

觀燈

十萬人家火燭光門門開處見紅妝
歌鐘喧夜更漏暗羅綺滿街塵
土香星宿別從天畔落蓮花不向水中芳
寶釵駁馬多遺落依舊明朝在路傍

送宮人入道

捨寵求仙畏色衰辭天素面立堦墀
金丹擬駐千年貌玉指休勻八字眉
師主與收珠翠後君王看戴角冠時
從來宮女皆相妬聞向瑤臺盡淚垂

周元範

元範一作光範句容人

張爲詩人主客圖云廣大教化主白居易及門句曲周元

範祝天膺

和白太守揀貢橘

離離朱實綠叢中似火燒山處處紅影下寒林沈綠水光搖
高樹照晴空銀章自竭人臣力玉液誰知造化功看取明朝
船發後餘音猶尙逐仁風

祝天膺

天膺一作元膺句容人

送高遂赴舉

遂句容人

句曲舊眞宅自產日月英旣涵嶽瀆氣安無神仙名松桂遷
迺色與君相送情